



სალიტერატურო და საპეცნიერო ნახატებიანი გაზეთი. გამომდის ყოველ კვირა დღეს.

№ 13

მ ა რ ტ ი, 24 1896 წ.

№ 13

\* \*

გათენდა დილა, მაგრამ რა დილა!..  
მზემ სიყვარულით მიწას შეხედა  
და, მოხიზლული იმის შევენებით,  
ტკბილი ღიმილით ცაზე შეჩერდა.

\* \*

მისი სხივები მინდვრებს და ველებს,  
განახლებულებს ზე დაეკონენ,  
თიტუოს უნდოდათ, ამიერიდან  
განუშორებლივ შეერთებოდენ.

\* \*



ეს რა დღე არის?.. ეს  
რა ძალაა,  
მაერთებელ ზეცის და  
მიწის?  
—აღდგომა არი, აღ-  
დგომა არი! —  
ბუნების ხმებში პასუ-  
ხი ისმის.



სააღდგომო სურათები

ს ც ე ნ ე ბ ი

ქართლის ცხოვრებიდან

ა.ა.

**წ**ოფელ ს—ში ფოთოლაძიანთ ნახევრათ და-  
ნგრეული და ადგილ-ადგილ დახვესებული  
კოშკი ძველებური სიამაყით გაღმოცქერის  
მალლობიდან ირგვლივ მდებარე ახლათ ამწვანებულ  
ქალას, სადაც მიხვევ-მოხვევით მიმოიკლავნება თეძა-  
მი, ეს მრავალსაუკუნოვანი დარაჯი ამ სოფლისა, ეს  
დამსწრე მემბრანე მკვიდრთა ყოველივე წარსულისა.

ქალას გაღმა მდორეთ გაშლილა, მოდის, მო-  
ღულუნებს იგი, ასე გეგონებთ, რაღაცას მოგვით-  
ხრობდეს სოფლელების ოდესმე მშვიდსა და მყუდ-  
რით განვილილ წარსულზე. უახლოვდება-რა ფოთო-  
ლაძიანთ კოშკს, აქ კი ბრაზ-მორეულივით აფთრდებ-  
ა თეძამი, შხუის, ეცემა ხრამში გალომებული და  
ქაფათ ნაქცევი ღრიალით ეჯახება იქიდან კლდის  
უზარმაზარ ნაკვეთებს, თითქო ღამობდეს ამ წყლი-  
დან ამომცქირალ დევების დამსხვრევას, განადგურე-  
ბას თავისუფლების მოსაპოვებლათ.

ბინდებ... გაზაფხულის თბილი ნიავი სრია-  
ლით დასთამაშებს ნაზათ ახმაურებულ ქალას და  
კოშკთან შეფრიალების დროს ჭაბუკურ თავ-დავიწ-  
ყებით ზე-აწყდება ხასხას — ფოთლებით გაყმაწვილე-  
ბულ ბებერ მუხას, ეხვევა მას, ელანდარდება...

მუხა კარგა იცნობს ამ არა-მკითხველ მოტრფია-  
ლეს, არა ერთხელ უკენსა მის გაშმაგებულ ხვევ-  
ნა-კოცნაში და ამიტომ ახლაც გადაზწყვილი, ტო-  
ტებ-გაშვერილი შეჭკენესს გოლიათ-კოშკს: „და-

მიხსენ ამ გიჟ-მაჟ არზიყისაგან, რაღა დროს ჩემი ეს  
ამბავიაო“.

მთელემაგ ბუჩქებიდან, ტოტებ-გადახუტებულ  
ხეებ ქვეიდან არე-მარეს ემუქრება სიბნელე.

ზეცა ილუშება. მბჟუტავი ვარსკვლავები ციმცი-  
მებენ, თრთიან, კანკალებენ, შიშით არ იციან, რა  
ჭქნან, რომ ამ ედემ ქვეყანას ასე ურცხვათ ეპარება  
დასამონავებლათ სიბნელე.

აგერ... განვლო რამდენმამე ხანმა და მიდამო  
მთლათ მოიცვა წყელიაღმა. ვარსკვლავებმა მოუხში-  
რეს ციმციმს, თვალებს ახამხამებენ, მწუხარების  
ცრემლათ იღვრებიან... არსით ისმის ხმა ადამიანისა.  
გაფთრებულ თეძამს, ბაყაყებსა და ჭრიჭინებს დარ-  
ჩენიათ ბურთი და მოედანი...

დღეს, ამ კუკუმეთ ღამეში ყველა, სოფლელე-  
ბის ქოხებიდან როგორღაც მოაღისფროთ გამოჭვი-  
ვის ანთებული ჭრაქის სინათლე. ფოთოლაძიანთ კოშ-  
კის ახლო გაჩაღებულ ოთახში ღიღი ფუსფუსი და  
სამზადისია.

ფარდაგ დოშაკით გაწყობილ ტახტზე მოკეცი-  
ლი ზის მორთული კენინა ევემია და დინჯათ, დარ-  
ბაისლური კილოთი ბძანებას აძლევს გოგია-ბიჭს,  
რომელიც აგრეთვე ახალ დაგმარის ახალუხშია გა-  
მოწყობილი და კალთებ აკრეფილი რაღასაც ფოთა-  
რებს ბუხარსა და სუფრა გადაფარებულ მაგიდას  
ახლო...

პირ-დაღრენილ და გაქონილ ბუხარში ცეცხლის გიზგიზი, ზედადგარზე ნახევრათ სინ-დახურულ ქებაში წყლის ჩუხჩუნი, მეორე ოთახში მგზობლიანთ ქალების კასკასი და ხან-დახმით იქიდანვე ხან აეგარდნის დარახუნების ხმა, ხან ვარკლიდან წამოწეულ ცომის ტყაუნი, ხან სამტიცი-ს ხელებში ტყა-ცუნ-ტყა-ცუნი, ყოველივე ესე რაღაც მხიარულებას ჰფენს ირგვლივ. ტახტს ახლო დაბლა იატაკზე მოუკეცია ნათლიდელა თეკლეს და პატარა ხახალზე წვანილს არჩევს; ეფემიაც, მედიდურობის კილოთი ელაპარაკება დროების გადაუკლებლობაზე, თავის ჩინონეც ვეილზე, წყველის იმ განათლებას, რომელიც კაცს აშორებს სოფელს, ურღვევს ოჯახს, და გახიზნულის თვისსა და ტომს სიცოცხლეს უშხამებს...

— ეჰ!.. გაიქნია ბოლოს თავი გულ-ამღვრეულმა ეფემიამ, კაბა აიკეცა მუხლებზე და ჩერით ზეთის წასმა დაუწყა ჭია-ენდროში ახლათ შეღებილ კვერცხებს, რომლებიც ეს-ეს არი გოგია-ბიჭმა დიდი ლაგანით მოართვა ტახტზე კენიანს.

როგორა შეენის დღეს ეფემია მწვანე კუჭებიან თავსაკრავში. ტახზე აცვია, ძველებურათ შეკერილი, „მისიანი“ მუქი ყავისფერი „გლასის“ კაბა, წელზე არტყია ქირმანი შალის სარტყელი და თავზე შეენიერი თეთრი ბაღდადი ახვევია.

ტახტიდან როგორღაც ყელ-მოღვრებით, მედიდურობის გამომეტყველებით გადმოიყურება ეს დალოცვილი. ცხვირი ძალ-დატანებით სასტიკათ გაუგანიერებია, ტუჩები უფრო მოუპრუწავს, გეგონებათ ზონარ მაგრა გამოწეული ნაოჭ-ასხმული ტოპრაკის პირიაო. უკბილო ღძილები მაგრა მიუჭერია ერთი-ერთმანეთის, რის გამო ჭალარა ბალან-მოსხმული ნიკაპი და შეშუპებული, ბურნუთში ამოსერილი ცხვირის ბოლო მტრულათ მიჩერებოდენ ერთი-ერთმანეთს... ჩინტიო. შუბლის ტყაეი ისე აეჭიმნა მაღლა, რომ ქალარა შერთული წარბები მოკაკულ რკალებივით განდომოდა ეფემიას. კაეების გამოწეულ ნაქეთებს ხომ უფრო მიეცათ მის სახისათვის რაღაც გაოცების გამომეტყველება.

ერთი შეხედვით ქევა ძაღლსაც. დამერწმუნეთ, ესეც ბედნიერათ ჰგობნობს დღეს თავის თავს. გაშეერილ წინა ფეხებზე კოხტათ წამოიჯდარა ბუხრის შორი-ახლოს, ყურები გაუცქვეტა და ცხვირით ხან მარჯვნივ, ხან მარცხნივ თვალების მიღუღვივით ჰვერსა შინჯავს... ეს-ეს არი გოგია-ბიჭმა შემოიტანა სინით ოშხივარ აღენილი შემწვარი ინდოური და მაგიდაზე დადვა. წარმოიდგინეთ, ამ ინდოურის სუნმა დაბნადა საწყალი ქევა; არ იცის, რა ქნას. თუმცა შეენიერათ იჯდა, მაგრამ ვეღარ მოისვენა,

დაიწყო ტოკვა, წკმუტუნე, ხან წამოეარდებოდა, ხან შეწყევდა. ბოლოს, როგორც იყო, მიაგნო, საიდანაც მოზდიოდა მადის მომგერელი სუნი და მაკი-დასკენ მიიბრინა, უკანა ფეხებზე წამოჯდა, გეგონებოდათ, შეხტომას აპირებსო, მოჰყვა ხელმეორეთ წკმუტუნს, ყეფას და მაღლა აწეულ ცხვირ-პირით ხან ინდოურს გადახედვდა, ხან გოგია ბიჭს, თითქო ემუდარებოდეს: „რა არი, ადამიანო, პატარა მომიგდო“.

— „პოშოლ!..“ ერთბაშით დაუყვირა ეფემიამ და გოგია-ბიჭს ვარეთ გაავლებინა მსუნავი ქევა.

ოჩათ ორი რუსული სიტყვა იცოდა ეფემიამ — „პოშოლ“ და „მაღჩი“, ისიც ამ ცოდნას მარტო უბედურ ქევაზე იჩენდა ხოლმე. შესანიშნავი იყო, რომ ძაღლს თავის დღეში ქართულათ არ დაეღაპარაკებოდა ეს დარბაისელი ადამიანი, თითქო დარწმუნებული იყო, რუსულათ უფრო გაეგონებო.

— შეილო გოგი, კმარა, არ ჩინარშოს გოჭი, აბა, ქაფქარით ამოსწიე, ორი თითით ტყაეი გაუშინჯე, თუ ადვილათ ეჩქლითება, საკმარისია ხარშეა!..

— მაიკო, ფეფო, მაშო, აი, თქვენ კი შეგიტყვით ვე ქალობა, რა უყაეით ქაღები, ნახუქები; მალე, მალე, ჰა!.. საცაა ზარების რეკაც ატყდება.

--- ნუშო, შეილო, რა იქნა გიგლა ბიჭი, აბა გაიხედე, გენაცვალოს ჩემი თვალები, იქნება იმ წუწკმა ჯერაც არ შეება ურემში ხარები?

— ურემი მზათ გახლავთ, ქალბატონო. თითონ გიგლაი კი იქითა ოთახის კარებში ჩამდარა და გოგოებს ელიჭინება. რო იცოდეთ, ქალბატონო, ახალ ქალაქურ ჩოხაშია გამოწყობილი.

— აღდგომაა, შეილო, მაშ, ამენდ, შენც აკი მორთულობარ. ამ სიტყვებით ეფემია წამოდგა, სკიერიდან ამოიღო თეთრი აბრეშუმის შალი, სუზანი, კელაპატარი და წვრილი სანთლები გოგო-ბიჭებისათვის დასარიგებლათ.

— ნათლიდელ, ე ნალი ჩააგე, გენაცვალე, ურემში, ზედ სუზანი გადაშალე და ავე ორი ბალიში რომ დეეს, შიგვე მიაწყ-მოაწყე.

თეკლე გავიდა ბძანების ასარულებლათ და ეფემიაც თან გაჰყვა შალ-წამოსხმული.

— უჰ, რა ბნელი ღამეა, დაიძახა კენინამ და ისევე უკან შემოძმნაძულდა.

გოგლი, შეილო, შენ ფარნით უნდა წამოაწვიდე, გზა გავეიკელიო, თორემ ხარები საღმე გადავეჩვენ... ერთი გაიხედე, რა კუკუმათი ღამეა!..

იუჰ!.. კენ კი გაიხარე, შეილო, რა შეენიერათ მოგიხარშავს ეს გოჭი...

— მოგვაქ, მოგვაქ, ჩენი დანამზადიც.

ერთხმად შესძახეს ფერად კაბებში გამოწყობილმა ქალებმა და სინებით ქადა-ნაზუქები დაალაგეს სხვა-და-სხვა სანოვაგით აჭრელებულ სუფრაზე.

— მაშ, აბა, შეეუდგეთ გზას, გოგოებო თავსახევი მოიხვიეთ, თეკლეჯან, შენ ხომ არ წამოხვალ წირვაზე, გაგავე, დასუფთავე აქაურობა, ხომ იცი, ნათლიედ, მოძღვარი და მთავარი ყოველთნინ ჩვენ სახლში იხსნილებენ ხოლმე... ყველანი ჩალაგდენ ურემში, გიგლა-ბიჭი კონტათ შემოუჯდა ურმის თავს, ეტყობოდა ამ საძაგელს, რომ გოგოებს თავს აწონებდა.

— ხი მამ!.. ერთი დაუყვირა ხარებს, სახრე მოიმარჯვა და გაუდგა გზას. ხარების შორი-ახლოს ფარნით ხელში მიდიოდა გოგია-ბიჭიც...

ზეცა მტრედის-ფრათ იღებებოდა. ნათლით იძლეოდა მტერი, ხალხში წყედიადათ წოდებული. იგი იქსაქსებოდა, მუქ ზოლებათ ერთხობოდა შორს, შორს, მთა-მინდორს, როდესაც გაისმა პარველათ მეტეხიდან ხეთის-მშობლის ეკლესიის ზარის ხმა.

ამ ხმას ბანი მოსცეს სასირეთის, ბარნაბიანთ-კარისა და ახალ-ქალაქის ეკლესიების ზარებმა და მოედგა საქრისტიანო მთა-ბარს ყოველ მხრივ გამახალისებელი გუგუნე. შეინძრა ხალხი... გაღაფანი და ეკლესია ხალხით იესება. ყველა სადღესასწაულოთ არის გამოწყობილი, ყველას ღიმი უქრის სახეზე, რალაც გამოუთქმელ ნეტარებას ჰგრძნობს დღეს მათი გული. სადღა გაჭირვება, დარდი და ვარამი? ყველა განქარდა, დავიწყებას მიეცა... აჰა!.. ბედნიერი წუთი, „ტვირთ-მძიმენო და მაშვრალნო!“ თქვენც გელირსათ წამი ბედნიერებისა, წამი ნეტარებისა. ის იყო ლიტანია თავებოდა, როდესაც ქონის კართან გაჩერდა ფოთოლადიანთ ურემი.

უნდა გენახათ, რა ჟივილ-ხივილი შეუდგათ გოგოებს, როდესაც დაინახეს გაკაშკაშებული ეკლესია და მიდამო ეკლესიისა ანთებული სანთლებით ხელში ხალხით მოფენილი. ისე გაერთენ ამ სანახაობით, რომ კნენინაც კი მიავიწყდათ ურემში.

— სად მიხვალთ, გოგოებო, ახლა აღარ გადმომიყვანთ?..

— უი, ჩემს თვლებს! აქა-იქ შექყვილეს გოგოებმა, მარდათ მიიბრინეს ურემთან, გადმოიყვანეს კნენინა, კელაპტარი აუნთეს, თითონაც ანთებული სანთლები მოირიგეს და ეკლესიისაკენ გასწიეს. გზაში ხალხი დაბლა თავის დაკვრით უხვდებოდა კნენინას.

ის იყო, ეფემია შევიდა ეკლესიაში, და ღედელმა პირველათ შესძახა ხალხს:

— „ქრისტე აღდგა!“

— „ქეშმარიტათ!“ გრგვინვასავით გაისმა პასუხათ.

კოწია.

სხვა-და-სხვა ამბავი.



აზ. „Нов. იბოზ.“-ის (№ 4199) ქუთათური კორესპონდენტი გვატყობინებს შემდეგ საყურადღებო ამბავს. როგორც ვიცით, 1894 წლიდან ქ. ქუთაისში არსებობს საურთიერთო ცეცხლის დამზღვეველი საზოგადოება. 14 მარტს მომხდარა საზოგადო კრება ბ. მ. ქიქოძის თავმჯდომარეობით. პირველათ კრებაზე წაუკითხავთ ანგარიში, რომლიდან ჩანს, რომ 1895 წ. დაუზღვიათ 125 მამული, ღირებული 354,350 მანეთათ; საზოგადოების დაარსებიდან სულ დაუზღვიათ 257 მამული, ღირებული 970,750 მანეთათ. შემდეგ გამგეობამ მიმართა კრებას: რომ უფრო უზრუნველყოთ მამულის მეპატრონენი მოულოდნელი დიდი ზარალისაგან და მიეზიდოთ საზოგადოებაში დამზღვეველნი, სასარგებლო იქნებაო, ჩენი დამზღვევი საზოგადოება განდეს წვერი პენზის დამზღვევი კავშირისა (Пензенский союз), რომლის ხელშეკრულობა შემუშავებული იქნა იელისში 1895 წ. და რომელსაც აქეს ძალა სამი წლის განმავლობაში. ამ ხელშეკრულობის ძალით თვითვეული დამზღვეველი საზოგადოება ხდება მოკავშირეთ და თავის საკუთარი საქმეების მართვაში სრული თავისუფალია, ხოლო სარგებლობა ამნაირი შეკავშირებისა იმაში მდგომარეობს, რომ თუ მოკავშირე საზოგადოებას დიდი ზარალი მოუვიდა, მაგ. 20,000 მანათამდის, იმ შემთხვევაში 3,306 მანეთის მეტს არ გადინდის, დანარჩენი 16,694 მ. კი დაიყოფება სხვა მოკავშირეებს შორის, იმის დაკვალოთ, ვინ რამდენს იხდის წლიურ საწევრო ფულსა.

ამის და-გვართ ქუთაისის დამზღვევემა საზოგადოებამ წლიურათ უნდა შეიტანოს ხოლმე 230 მ. კრებამ ერთხმად გადაწყვიტა პენზენის კავშირში მონაწილეობის მიღება.

\* \* \*

ჩვენ შევიტყვით, რომ ბორჩალოს მაზრის მარშალი თ. გ. დ. აბხაზი შედგომია ახტალის ქართუ-

ლი ტაძრის განახლებას და ამის გულისთვის სასუ-  
ლიერო მთავრობის ნებადართვით ფულებს კრეფს.

\* \*

ჩვენ მოგვივიდა ტარუაშვილის მიერ გამოცე-  
მული გოთიური დედანი; თითო დედანი ღირს შაუ-  
რათ.

\* \*

ჩვენ მოგვივიდა მ. გ. ჯანაშვილის მიერ გამო-  
ცემული წიგნი „შოთა რუსთაველი“. ეს წიგნი  
ფრიად საყურადღებოა მკითხველთათვის, რადგან მას-  
ში დატოვებულია თითქმის ყველა მწერლების აზ-  
რები, ვისაც კი ჰქონია ეფუხის ტყაოსანზე მსჯელო-  
ბა. ჩვენ კიდევ დავუბრუნდებით უფრო ვრცლათ ამ  
საგანს. წიგნი სუფთათ არის გამოცემული და ღირს  
ორ აბაზათ.


\* \*

პოლიციის უწყებიდან ვტყობილობთ, რომ გა-  
სულ წელს ქ. თფილისში 27 მკვლელობა მომხდარა  
(23 კაცისა და 4-ი ქალისა), თავი მოუკლათ 25 (20  
კაცი და 5 ქალი), უეცრივ მომკვდარა 15 კაცი და  
6 ქალი, მთვრალობის გამო 6 კაცი და 3 ქალი,  
გაუგებარი მიზეზის გამო—5 კაცი და 2 ქალი, უნა-  
ხეთ 7 კაცი მკვდარი და 1 ქალი; შემთხვევით მო-  
მკვდარან: გაჭყლეტილა და ჩამოვარდნილა 20 კა-  
ცამდე, დამწვარა 2 ქალი, დამხრევა 18 კაცი და  
4 ქალი; გამოურკვეველ მიზეზის გამო მომკვდარა  
10 კაცი და 1 ქალი. სულ ძალდატანებით და სხვა-  
და-სხვა ხიფათის გამო გადაკვლილა 127 კაცი და  
28 ქალი. საერთო რიცხვი მკვდარებისა ქალაქში გა-  
სულ წელს იყო 3,112, რომელთაგან 1,787 კაცია  
და 1,325 ქალია. („Кавказ“).

\* \*

კავკასიის საიმპერატორო სამკურნალო საზოგა-  
დოება აცხადებს, რომ ამა წლის აპრილის თვიდან,  
გამოვა ორ-კვირეული გამოცემა: „სახალხო ჰიგიე-  
ნური ფურცელი (Популярный Гигиенический Листок)  
სამ ენაზე: რუსულზე, ქართულზე და სომხურზე.  
გამოცემაში იქნებიან მოთავსებული, როგორც ორი-  
გინალური, ისე ნათარგმნი სტატიებიც, სხვა-და-სხვა  
რეფერატები, კარესპონდენციები და სხვ., ერთი სიტყ-  
ვით ყოველივე ის, რაც შეეხება სახალხო სიმთე-  
ლეს, ეპიდემიას, ენდემიას, ეპიზოოტიას და სხვ.  
უპირველესი ყურადღება იქნება მიქცეული იმაზე, თუ

რა გვარი მავნებელ ჩეულებანი და აქიმობის სა-  
შუალებანი არსებობენ ხალხში. „ფურცლის“ ჩე-  
დაქტორებათ ითვლებიან ექიმები: პელოესკი, გა-  
ლომსკი, ბაბაევი, არწრუნი, ვაწაძე და ელიაშვილი.  
სტატიები გააგზავნება შემდეგი ადრესით: Тифлисъ,  
д-ръ А. А. Повловскому.



საყურადღებო ამბები.



საჩხერე. წელს იმ ხელა თოვლი მოვიდა ქუ-  
თაისის გუბერნიაში, რომ მგონია მოსმწერეც  
იშეიათი იქნება. ამ თოვლმა მეტის მეტათ  
შეაწუხა დაბა-სოფლების მცხოვრებლები, რომელთა  
რიცხვში მოხდა ეს ჩენი დ. საჩხერეც; აქ 16 იან-  
ვრიდან თებერვლის 4-ს რიცხვამდის განუწყვეტლივ  
სულ თოვდა და დაყარა თოვლი ცხრა მტკაველზე  
მეტი; აბა, იფიქრეთ, რა გაჭირვებაში ჩაეარდებოდა  
მცხოვრებლები? აქ ზამთარი არ იცის ისე სუსხიანი,  
როგორც სხვა საქართველოს კუთხეებში და ამის  
გამო ხალხი სულ მოუშადებელი შეხედა ჩვენდა  
მოულოდნელ ზამთარს, ბევრი იმისთანა მოსახლე  
დარჩა, რომ სამი სამი დღის სარჩოც არა ჰქონდა რა,  
არა თუ ერთი თვისა და მეტის მომარაგებული. მე აქ  
ვახსენებ შეძლებულებს და არა ღარიბ-ღატაკებს,  
რომელნიც ამისთანა შემთხვევის დროს კი არა, ისე-  
თაც სხვისი ხელით იკვებებიან. პურის და მეტადრე  
შეშის სიძვირემ სულ მთლათ გაათხელა მცხოვრებ-  
ლების ჯიბეები; გათხელებას და გაცარიელებას ვინ-  
ლა ჩივოდა, რომ დიდი თოვლის გამო გასაყიდვ  
ბაზარში არვის შემოქონდა. მანლობელ სოფლებში  
ისე დაიკეტა გზები, რომ წისკვილამდის ვერ მიდიო-  
დენ და მარტო სიმინდის კაკლის ხარშით ინახე-  
დენ თავს მთელი ორი კვირის განმავლობაში; ამ  
მდგომარეობაში შინაურ პირთუყეს აღარ ზოგავდენ  
დასაკლავათ. გზებზე სულ ყოველ დღე ზეაფი ჩამო-  
დის და თან-და-თან ხდება. ფოშტა ავერ ორი თვე  
გადის, რაც არ მიგვიღია და არ ვიცით, ქვეყანაზე  
რა ამბავი ხდება.

უბედურს კაცს ქვა აღმართში მიეწიაო, სწორეთ  
ისე ითქმის ახლა ამ ჩვენ დაბა საჩხერეზე. ორი სა-  
მი თვე იქნება რაც ბატონმა ი. გამ—ძემ იყიდა  
ბილიარდი და დადგა თავის შენობის ქვედა სართუ-  
ლის სადუქნე ოთახში, რომელიც მიემგზავსება ღა-  
რიბი-კაცის ცხენების თავლას, ასე რომ არც ჰქერი  
და არც იატაკი არ მოეძევა, კედლის ფიცრები ისე  
არის დაშორებული ერთი-ერთმანეთისაგან, რომ გო-

ჯის ოდენა სისქე ფიცარი მათშუა თამამათ გაეტევა, ამას გარდა მეტის-მეტი სიბინძურეა შიგ ოთახში. პირველათ მიიჩნია ხალხი უფულოთ თამაშობით და დროის გატარებით, ახლა კი ბაჟიც დააღება ზედ, ასე რომ თითო თამაშში 5—20 კაპ. გააჩინა. მაგრამ რა ხალხი მიეჩნია და გავარჯიშდა თამაშობაში, თვითონაც ამ ფულის სიძვირეშაჲც ვერ ანებებენ თავს: მაგალითათ, კაცი გამოვიდა ბაზარში შეშის ან სხვა რისამე საყიდლოთ, მის ავიწყდება თავის დანიშნულება და ოჯახის მდგომარეობა, მიდის იმ საბილიარდო ოთახში, იწყებს თამაშობას, აგებს იმ ორ გროშს, რომლითაც უნდა ეყიდა რამე ოჯახისათვის და ბრუნდება სახლში გულ დაწყევტილი, მერმე კი იწყებს ჯავრობას, მაგრამ რას განდება, ნათქვამია სიკვდილის შემდეგ სინანული გვიან არისო; ასე რომ დილას შებძნდეთ ნახეთ იმ ოთახს ხალხით საცეს, რომელიც შედგება ბაზრის მცხოვრებლებისაგან, ე. ი. ეაქრებისაგან და რომელთა აქეთ ფიქრათ გუშინდელი მონაგები ფული გააორკეცოთ, მაგრამ ბრუნდებთან თავიანთ ღუქნებში ჯიბე-ცარიელნი; საღამოს კი ამ კაცებში იქნება გარეული ადგილობრივი დაბალ ხარისხის მოსამსახურე პირნიც, რომელნიც ლეზულობენ რამოდენიმე თუმანს ჯამაგირს და იმითი სულს იბრუნებენ, იწყებენ თამაშობას, აგებენ იმ ორ გროშსაც და მერმე კი ჯიბე ცალიერნი დაწაწალობენ ბაზრის ქუჩებზე. ერთმა ამთგანმა კინალამ დაკარგა ადგილი სამსახურში. ამისთანა მოგებით სუყოველთვის იგებს თვითონ ბილიარდის პატრონი, აფიქრეთ თითო თამაში 5—20 კაპ., სათში ათი მაინც ითამაშებს ეს ხომ ორი მანეთი და ამას გარდა თვითონაც კარგათ თამაშობს, ასე რომ ამ ცოტა ხანში ბევრმა მიზარა შესანახათ თავისი ჯიბე, მაგრამ როდის დაუბრუნებს, ის კი ღმერთმა იცის.

არა შეგდა მწყერი ხესა, არა იყო გვარი მისი, ეინ საჩხერე და რა ბილიარდი და იმაზედ თამაშობა. მესმის დიდ ქალაქებში სადაც ხალხი აბრუნებს ათას და ასათას თუმანს, იქ არაფერია რომ ბილიარდი კაცმა დადგას და ითამაშოს, მაგრამ აქ, სადაც ხუთ მანეთზე მეტი იშვიათათ ექნება მოთამაშეს ჯიბეში?.. ფუ, დაწყევლოს ღმერთმა ამისთანა ადგილას ბილიარდზე თამაშობა! ამისთვის ძრიელ კარგს იზამს ბატონი ი. გ—ძე, რომ ამ ფულის მახეს მოშლიდეს, ურომლისოთაც მცხოვრებლები მეტათ დაცემული არიან სიღარიბით. —

— ქვემოჲრი.

\* \*

სად. განჯა. ეს სადგური სწორეთ რომ შესამჩნევათ იზრდება; იზრდება როგორც ქონებრივით,

აგრეთვე გონებრივითაც. ქონებით გაზრდა ერთი მხრით იმითაც ჩანს, რომ აქ კლუბი დააარსეს. ამ კლუბს აქვს რამდენიმე ნაკოლულებანება, რომელიც არ შეგვიძლია არ აღენიშნოთ: ჩვენ ვიმედოვნებდით, რომ კლუბის დაარსებით მოვეცეოდა საშეღება ერთათ შევეგროვილიყავით ჭკუა-გონების სავარჯიშოთ. მაგ. სალიტერატურო და მუსიკალურ საღამოებს გავმართავდით, ხშირათ გვექნებოდა წარმოდგენები ქართულ და რუსულ ენაზე, ლექციებს წაგიკითხავდენ სხვა-და-სხვა საჭირო და სასარგებლო საკნებზე და სხვა...

მერე მივალწით ამ მიზანს? რა მიზანი, რის მიზანი, სხვაგან სად მიულწევი კლუბს ზემოხსენებულ მიზნისათვის, რომ აქ მივლწია? სამაკიროთ მიდინხართ კლუბის დარბაზში და თქვენ წარმოგიდგებათ შემდეგი სურათი: ერთ ოთახში მწვანე მაუდიან მაგიდას გარშემო შემოსხდომიან ბანქოს მოტრფილენი. ახლა მეორე ოთახში მიდინხართ და შორიდანვე გესმით ლოტოს ციფირების გადამახინჯებული რუსული ამოკითხვა; ამ დროს გატარებს მოსდევს ეახში. აი რას მოველოდით და რა შექერჩა ხელში. ეს კიდევ არ გვაკარგს და ახლა გაიძახიან: ათას ხუთას მანეთიანი ბილიარდი უნდა გამოვიწეროთო. მერე მაშინ, როდესაც, ერთი გაზეთი რა არის, ისიც კი არ გამოვიწერია. რომელი ერთი უნდა ჩამოთვალოს კაცმა? იმიოია, ამ საქმის მოთავენი არ დაიფიწყებენ სხვა ამხანაგებს, რომლებსაც ბანქოს თამაშობის ნაცვლათ უფრო საჭიროთ მიაჩნიათ ჭკუა-გონების ვარჯიშობა. ბევრი ჩვენგანი ამ კლუბის ანაზარას არა ვართ: გვაქვს ორა სამკითხველო - წიგნთ-საცავი. აქ საქმათ მოიპოვება, როგორც რუსული, ისე ქართული ჟურნალ-გაზეთები; კერძოთაც ბევრს მოუღის სხვა-და-სხვა დრო გამოშვებითი გამოცემანი.

ჩვენში უფრო შესანიშნავი და თვალ-საჩინო არის ამ დღებში დაარსებული და მთავრობისაგან ნებადართული საღამოობით უფასო სწავლა რკინისგზის მოხელეთათვის. ნათქვამია: „ერთი ჭირი მარგებელია“ და სწორეთ ამნაირ ჭირათ გამოდგა შემოხსენებული კლუბის დარბაზი ამ საგნისათვის. საღამოს 6 საათიდან რეამდინ შევნიერ სურათს წარმოდგენს კლუბის დარბაზი: მაგიდას შემოსხდომიან ოთხმოცამდე სწავლა-განათლების მსურველნი, რომელნიც გულ-მოდგინეთ სწავლობენ. სწორეთ დიდი მაღლობის ღირსი არიან ამ საქმის მოთავენი.

განჯელი მეთავეჲურე.


შ ე ნ ი შ ე ნ ა .



იერ. გულისაშვილის „ლია წერილმა დრამატულ საზოგადოების გამგეობისადმი (,ივერია“ № 20) ერთი ამბავი მომავონა, რომელიც საქართველოში მიმართა ვაცნობო მკითხველ საზოგადოებას. ამ რამდენიმე წლის წინათ ქ. ბათუმში მომიხდა ყოფნა, სადაც, სხვათა შორის, გაეცანი ერთი ახალგაზდა ყმაწვილი, გვარათ ხაინდრაეა, რომელსაც ბათუმის სცენის მოყვარეთა შორის პირველი ადგილი ეჭირა და იმედებს იძლეოდა, როგორც მსახიობი. ხაინდრაეა ცნობილი იყო აგრეთვე, როგორც დრამატურგიც: მაშინ ორი პიესა გაეგზავნა კიდეც დრამატული კომიტეტის თავმჯდომარისთვის და მესამესაც წერდა. მე თვითონ ხაინდრაეას პიესები არ წამიკითხავს, ხოლო ეს-კი ცხადთ მასხოვს, რომ გაზ. „ნოვ. ობ.“-ში, რომელიც ყოველთვის სიამოვნებით აღნიშნავს ხოლმე ყოველ ახალ მოვლენას ჩვენს მწერლობაში, ქებით იყვენ მოხსენებული ხაინდრაეას პიესები! კომედია „ვაი ეახთაიას!“ და დრამა „ლუარსაბ აუაქიძე“ დიახ, ქებით იყვენ მოხსენებული და, უეჭველია, ყოველ ქართველისთვის საინტერესო იქნებოდა ამ პიესების სცენაზე ნახვა. მარა მასაქეთ ავერ მეექვსე წელიწადია და ამ პიესების სახსენებელიც კი აღარსად არის. იტყვიან, იქნება, „ნოვ. ობ.“-ემ ახალგაზდა ავტორის გასამხნეებლათ შეაქო პიესები, თვარა წარმოსადგენათ არ ვარგოდენო. შეიძლება, ასეც იყო (თუმცა დაუჯერებელია ყოველს ღირსებას მოკლებული პიესები ისე ექო „ნოვ. ობ.“-ს), მარა ვინ გამოცადა ისინი, ვინ წარმოადგინა, ვინ ნახა და განსაჯა?.. ერთხელ მაინც რომ წარმოვადგინათ, საზოგადოებას ენახა და არ მოეწონებია, კრიტიკასაც დაეწუნებია, კიდეც ჰო, მარა ეს რომ ასე არ ყოფილა და პიესები მაშინვე სადღაც გადაკარგეს!.. საკვირველია, ღმერთმანი, ჩვენი თეატრის საქმე: მის მაგიერ, რომ ნათლით ეძებდენ ჩვენი ცხოვრებიდან აღებულ, ორიგინალურ პიესებს, რომელნიც თითქმის სრულიათ არ მოიპოვებინ ჩვენ თანამედროვე რეპერტუარში, როცა შემთხვევით ხელში ჩაიგდებენ, მაშინაც კი სადღაც მიმალვენ და, თუ იერ. გულისაშვილს დაუჯერებთ, წაკითხვითაც კი არ კითხულობენ ხოლმე. მოსალოდნელი იყო, დრამატულ საზოგადოების განაწილებული გამგეობა მაინც მიაქცევდა ყურადღებას ამ საქმეს და, ახალ რასმე შეიტანდა ჩვენს რეპერტუარში, მარა ასე არ მოხდა. მართალია, სეზონის დასაწყისში შეგვპირდენ ახალი ორგანიზაციის პიესების დადგმას, მაგრამ სეზონი გათავდა კიდეც და დაპირება არ გაუმართლებიათ. ენახოთ,

შემდგენი როგორ მოიქცევიან!.. დასასრულ ორი სიტყვა თვით ბ-ნ ხაინდრაეაზე: საბრალო ახალგაზდამ გამუდმებული უსიამოვნო შრომით თავმოგზრებული ერთ ერთ ბათუმის ქარხანაში, თავი თანება თურმე ამ უკანასკნელს და სხვაგან წავიდა ბედის საცდელათ. უნდოდა თბილისში შესულყო ქართულ სცენაზე, მარა ეს ვერ მოახერხა თურმე და ბაქოში წავიდა, სადაც მოუსწრო ხოლგრობამ და, როგორც ამბობენ, იმხვერპლა კიდეც ამ საშინელმა სენმა... კარგი იქნებოდა, ვინც ნამდვილათ იცის საბრალოს ბედი, ცნობებდეს მკითხველ საზოგადოებას!..

დუტო მკრეფლი.



მეცნიერება გავატრდა, თუ მეტაფიზიკა?

(ბრიუნეტის დაჯვის გამო ჩვენში)



გVII-დე თავი სტატიისა: „ცხოვრება და ხელოვნება“<sup>1)</sup> „ივერიის“ პუბლიცისტმა, ბ. კიტამ, უძღვნა საფრანგეთის „გამოჩენილ კრიტიკოსის“, ბრიუნეტის, დაცას. ქართველ მკითხველს, რომელიც ბ. კიტასავით არ არის გათანაშებული უცხო ქვეყნების მწერლობაში, დაებადება შემდეგი კითხვა: ვინ ბძანდება ეს ბრიუნეტერი, და რით დაიმსახურა მან „გამოჩენილი კრიტიკოსის“ და „ნიჭიერი მეცნიერის“ სახელი? ბ. კიტა ზემო აღნიშნულ წერილში იძლევა რამდენიმე პასუხს ამ კითხვაზე. ჩვენც ვისარგებლებთ ამ პასუხით, ე. ი. იმით, რასაც ბ. კიტა გვაძლევს, რომ თვით ამ უკანასკნელის ნათქვამითვე მოკლეთ დავახსიათოთ ბრიუნეტერი და ამასთანავე, ამ გარემოების გამო, რამდენიმე მოსაზრებანიც წარმოვთქვათ.

პირველათ მკითხველს უნდა ვაცნობოთ, რომ ბრიუნეტერს აქ ვენებით ჩვენ, ისე როგორც ბ. კიტა, არა როგორც კრიტიკოს, არამედ როგორც ფილოსოფოსს, ანუ, უფრო მართლათ რომ ვთქვათ, როგორც მეტაფიზიკს. საქმე იქიდან იწყება, რომ წასული წლის „Revue des deux Mondes“ ის პირ-

1) ის. ამ წლის გაზ. „ივერია“ №№ 42 და 43. სტ. „ცხოვრება და ხელოვნება“. ამ ნაწილს სათაურით მოგვსწავდის ბ. კიტა, უმეტეს ნაწილათ, ამ რამანების შინაარსს, რომლებიც არიან ნყოფნი სფერანგეთის მღალდი ბურჟუაზიის მოღუწეული ცხოვრებისა.

ველ ნომერში ბრიუნტიერს, მას შემდეგ, რაც მან რომში პაპისაგან ლოცვა-კურთხევა მიიღო, დაუბეჭდია წერილი: „მეცნიერება და სარწმუნოება“. თვით ეს სტატია, როგორც ამავე ბრიუნტიერისვე მეორე სტატია: „ევოლიუციონური სწავლის ზნეობრიობა (La moralité de la doctrine évolutive <sup>2</sup>) ჩვენ არ წაგვიკითხავს; და ჩვენი მიზნისათვის ეს არც დიდ საჭიროებას შეადგენს, რადგანაც ბ. კიტამ განსარჯა და საკმარისათ გაგვაცნო ამ წერილების შინაარსი; მეორე მხრით, ჩვენ შემთხვევა გვექონდა გვეცნობოდით ბრიუნტიერის სწავლას ერთი ახალი დაარსებული დრო-გამოწვევითი გამოცემის შემწეობით <sup>3</sup>); ამ გამოცემაში იყო მოთავსებული სტატია: „ბ. ბრიუნტიერის ევოლიუციონური მეტაფიზიკა“ (La métaphysique évolutionniste de M. Brunetière), რომელიც ეხება ბრიუნტიერის მეორე წერილს, ე. ი. „ევოლიუციონური სწავლის ზნეობრიობას“, და სწორედ იმ მხარეს აქცევს უფრო ყურადღებას, რომელიც ბ. კიტას თითქმის სულ უყურადღებოთ გაუშვია. „De devenir social“-ის სტატიის ავტორი, ბ. ნი ბ., მოკლედ განმარტებს ბრიუნტიერის შეხედულებას თანამედროვე მეცნიერებაზე, და რადგანაც ბრიუნტიერის და მის თაყვანისმცემთა სასროლ ნიშნათ ეს უკანასკნელი, ე. ი. მეცნიერება, გამხდარა დღეს, ამიტომ ჯერ-ჯერობით დაეტოვოთ მეცნიერების „გაკოტრება“; რომელიც ბრიუნტიერის პირველი წერილის საგანს შეადგენს, და გადავიდეთ პირდაპირ იმაზე, თუ როგორა შეხედულება შეექმნია ბრიუნტიერს ბუნებაზე და მის მეცნიერებაზე. ამისათვის ჩვენ ვისარგებლებთ „de devenir social“-ის დასახელებული სტატიით.

I

თავდაპირველათ „de devenir social“-ის სტატიის ავტორი აღნიშნავს, თუ რა შეხედულების არის ბრიუნტიერი დარეინის და ჰეკელის წინააღმდეგეზე და ამისათვის მოკაყვს მისივე სიტყვები. „დამიანის წარმოდგომა და ბუნებითი ისტორია შექმნისა, ამბობს ბრიუნტიერი, თუ მათ ნამდვილ სახელს ეუწოდებთ, შეადგენენ მხოლოდ მეცნიერულ რომა-

ნებს, არ არის დამტკიცებული, რომ ცხოველთა ჯიშნი იცვლებიან, და უმეტესათ არც ის, თუ ისინი გადაიქმნებიან. ან აჩის დამტკიცებულად, რომ დამიანი წარმოდგება ცხოველიდან. <sup>4</sup>) მაშასადამე რაღა არის ევოლიუციონური მოძღვრება? ეს უბრალო ჰიპოტეზაა, ანუ უკეთ რომ ეთქვათ, ეს მეთოდია. ეს არის საშუალება, რომლის მეოხებით ჩვენ ვაგროვებთ დარიგ-რიგათ ეყოფთ ფაქტებს და იღებებს, რომლებიც უამისოთ ხელიდან გამოგვისხლტებოდენ და დაკვირვებდენ ჩვენი აზროვნების სისუსტეს“. ამ ნაირი აზრისა ბრიუნტიერი აწინდელი ევოლიუციონური მოძღვრების შესახებ, და მართლა რომ ეს ასე იყოს, როგორც ბრიუნტიერი ამბობს, აწინდელი მეცნიერება მეცნიერულ რომანებს კი არა, უფრო სასაცილო რამეს წარმოადგენდა. მაგრამ ეს ასე ან აჩის, ჩვენ სრულებით არ ეთლით საჭიროთ, რომ ამნაირ ხეპრულ შეხედულებას დარღვევას გამოეუდგეთ აქ; ჩვენთვის ეს მიუწოდელიც იქნება; და მეორე მხრით, აწინდელი მეცნიერება, ვინც-კი იმას შეიგნებს ჯეროვანათ, განა ყოველნაირი ბრიუნტიერისებრივე შეხედულებათა გამაქარწყლებელი არ არის?

მაგრამ საფიქრებელია ის, თუ რისთვის დაჭირდა ბრიუნტიერი თავის ხეპრული შეხედულების გამაქვეყნება, საფიქრებელია მით უფრო, რომ თითონ იგი მიმართავს ევოლიუციონურ მოძღვრებას და ცდილობს გამოიყენოს ეს უკანასკნელი თავის წინათვე შედგენილი მიზნისათვის. ამას ახლავდ დაეინახავთ. ბრიუნტიერი ამბობს, რომ „არსებითათ და თავის საფუძველში ევოლიუციონური მოძღვრება არის მხოლოდ ტელეოლოგია <sup>5</sup>) და ორგანიზაცია. შესაძლებელია მხოლოდ მიდრეკილების, ფტოლოგების (finalité) იდეის საშუალებით“. ხოლო ამნაირი შემოტრიალება იარაღისა საჭირო იყო ბრიუნტიერისთვის, რომ მას გარკვევით წარმოეთქვა შემდეგი: „თუ სასტიკი და გაუგებარი მენახიზმის წინააღმდეგ, რომელსაც თანამედროვე თავისუფალი აზროვნება დიდი ხანია შეუირვდა, ევოლიუციონურ მოძღვრებამ ვერ დაამტკიცა განგების არსებობა, ის კია ცნობილი მანინც, რომ ეს მოძღვრება ამ განგების არსებობას შთაგვაგონებს“ (suggère). ყოველივე ეს იმიტომ, რომ ამ განგებამ წარმოშობას მოძრა-

<sup>2</sup>) იხ. Revue des deux Mondes, 1895, მისი.

<sup>3</sup>) ჩვენ ვამბობთ გასულ წელს ჰარიუში დასრულებულ გამოცემაზე: „Le devenir social. Revue internationale d'économie, d'histoire et de philosophie“. მივაქციოთ აქვე მკითხველის ყურადღებას ამ შესანიშნავ გამოცემაზე.

<sup>4</sup>) თუმცა იგი უნდა მივიღოთ მხედველობაში, რომ თავის პირველ წერილში („მეცნიერება და სარწმუნოება“) ბრიუნტიერი გადაჭრით ამბობს, თუ ბ. კიტას დაუჯერებთ, რომ ჩვენ მაიმუნებიდან მოკმდინარეობთ. (იხ. „ივერია“ № 42).

<sup>5</sup>) ბერძნული სიტყვაა და ნიშნავს სწავლას მისწრაფებაზე, მიზნულობაზე.



გი (mobile) და გონიერი წესი“. აქედან დასკვნა: მასადამე ყოველივე მოვლენა ბუნებაში „წინ-და-წინევა განსაზღვრული“. ამაში მდგომარეობს ბრუნ-ნეტიერის ევოლიუციონური მეტაფიზიკა. რა არის აქ ახალი? განა ყოველივე ამ გვარ მეტაფიზიკურ ნახტომებმა დიდი ხანია არ დაკარგეს თავისი ყოველ-გვარი არსებითი მნიშვნელობა? მაგრამ საქმე ის არის, რომ ბრუნნეტიერმა იხმარა აქ ერთნაირი ზომა, რომლის მეოხებით აღვიღათ შესაძლებელია მრავალ გზა-და-კვალ დაბნეულთა მოხიბლვა და გარეტიანება. ჩვენ ვამბობთ იმაზე, რომ ბრუნნეტიერმა მოინდობა და, მისი ჭკუით, კიდევაც შეიასრულა, შეტაფიზიკურ-

თავის ტელეოლოგიური პრინციპების გასამართ-ლებლათ ბუნებაში ბრუნნეტიერი ემყარება შესანიშ-ნავი ფიზიოლოგ-ფილოსოფოსის, კლოდ ბერნარის, ავტორიტეტზე. „განა კლ. ბერნარმა არ განსაზღვ-რაო — ამბობს ბრუნნეტიერი — ევოლიუცია, როგორც განვითარება, ცვალებადობა, რომლის საზღვარი წინდაწინევა დადგენილია?“ და აქვე ლაპარაკობს ბრუნნეტიერი ჯიშთა განვითარებაზე. მაგრამ ამნაირი აზრი კლ. ბერნარზე ნიშნავს მხოლოდ იმას, რომ ბ. ბრუნნეტიერს ვერც ის გაუგია, რასაც კლოდ ბერ-ნარი მოძღვრებს და ვერც ევოლიუცია.

ევოლიუცია, განვითარება, არის ორნაირი: ევო-ლიუცია ცალკე ინდივიდისა, განუყოფელ არსებისა, და ევოლიუცია მთელ მოდგმათა, ჯიშთა, საზოგა-დოთ მთელ ბუნებაში. მაშინ როცა პირველ გვარი ევოლიუცია ე. ი. განვითარება ცალკე ცოცხალი ინდივიდისა, ჩვენ თვალ-წინ ხედება და შესაძლებე-ლია მისი დაკვირება, შესწავლა, და, მასადამე, მისი განვითარების საზღვრის წინდაწინევე დაღვეა, რა: აკვირებელია, განსაზღვრულ პირობებში, განვი-თარება მოდგმათა, ანუ ევოლიუცია საზოგადოთ მთელ ბუნებაში კი, ძლიერ ნელი ნაბიჯით მიმდი-ნარეობს, ჩვენდა შეუმჩნეველათ; ამიტომ აქ შეუძ-ლებელია წინდაწინევე განსაზღვრა და დაღვეა იმ საზღვრისა, რომელსაც მიახწევენ თავის განვითარე-ბაში მთელი მოდგმანი და ჯიშნი, როცა ბრუნნეტიერი ამბობს, რომ კლ. ბერნარმა განსაზღვრა ევოლიუცია, როგორც მიმდინარეობა, რომლის საზღვარი წინდა-წინევა დადგენილია, მაშინ მან დაივიწყა, რომ არსე-ბობს ორგვარი ევოლიუცია, და ცნობილ ფიზიოლოგს მხოლოდ ერთი ჭქონდა მხედველობაში, ე. ი. ცალკე ინდივიდის, განუყოფელი არსების, ევოლიუცია, და არა მთელი ბუნებისა. ამის დასამტკიცებლათ საქმე-რისია მხოლოდ მისი შესანიშნავი თხზულების „Le-çons sur les phénomènes de la vie“-ის გაცნობა, რომელშიაც იგი უარს ჰყოფს იმ შეხედულებას, ვი-თომც ბუნებაში არსებობდეს მიუწდომელი მიდრე-კილება და მიზნეულობა. ეს მხოლოდ ჩვენი მშრალი გონების ნაყოფიაო. ყოველგვარ ამ ნაირ სურვილს ეიმეარებთ, კლ. ბერნარი მეტაფიზიკის სახელით კ'ცხავდა. კლ. ბერნარმა კარგათ იცოდა, რომ ნამ-დელი მცენიერების სამფლობელო დამოკიდებულია თვით ეკსპერიმენტალური მეთოდისაგან: იქ, სადაც ცვლილების პირობები შესაძლებელ არს, რომ სი-სწორით განსაზღვრულ იყვენ, აწსუბობს ეკსპერიმენ-ტალური დეტერმინიზმი (აუკიდებლობა) და მასთანვე აწსუბობს მეცნიერებას. მეცნიერება სრულებით არ მიდევს საგნების თავის თავათ (an sich) გაცნობას; ის ცდილობს მხოლოდ განსაზღვროს და გამოარკ-



აღდგომისა შენსა, ქრისტე მაცხოვარო, გუფით წმიდით კეკეუბით, დიდება შენდა!

რამოძესათვის ევოლიუციის სარჩული დაეღვა. იკითხავთ, ნუ თუ ამით ძანძმა დაკარგა თავისი ძონ-ძური თვისება? სრულებითაც არა. თუ კიდევ უფრო არ გამოაშკარავდა ეს უკანასკნელი თვისება. ასე მოუვიდა ბრუნნეტიერის ევოლიუციონურ მეტაფი-ზიკას. ამასთანვე გამომქლანდა კიდევ ერთი ბრუნ-ნეტიერისათვის არა სასიამოვნო გარემოება.

ვიღს უწითლეს მათ შორის. მეცნიერება არ იღებს განცალკევებით ერთ რომელსამე საგანს, ან მოვლენას; არა, ის იქცევა ისე, როგორც თვით ბუნება: ბუნებაში არ არის ცალკე საგანი, ანუ მოვლენა; აქ ყოველივე საგანი, ყოველივე მოვლენა ერთი მეორეზეა გადაბმული. ამიტომაც, თუ რომელიმე საგნის, ან მოვლენის გაცნობა გესურს, უნდა გავიგოთ ერთი საგნის, ანუ მოვლენის მეორესთან დამოკიდებულება, მათი ურთი-ერთობა. ამნაირია ნამდვილი მეცნიერების მეთოდი. სულ სხვანაირათ იქცევა მეტაფიზიკა. ეს უკანასკნელი ყოველთვის იღებს განცალკევებით ერთ რომელსამე საგანს, ერთ რომელსამე მოვლენას, თავს თავთ an sich და ცდილობს გაიგოს იგი დამოუკიდებლათ სხვა საგანთან, ან სხვა მოვლენასთან. და რასაკვირველია, რომ ამ შემთხვევაში მეტაფიზიკს თვით მოვლენა, რო-

მელიც მუდამ ერთი და იგივე არ არის, ხელიდან უსხლტება და მხოლოდ მისი გამონაშუქები, მის მიერ აღძრული შთაბეჭდილება, უჩნება, რომელსაც შემდეგ საგნის აჩსებათ ანუ იდეათ ხდის. ხოლო ამნაირი არსება, ანუ იდეა ყოველ გვარ მნიშვნელობას მოკლებულია მეცნიერულათ, რადგანაც აქ არ არის რაციული უპირველესი და უმთავრესი პირობა მეცნიერული განსაზღვრისა, სახელდობრ: განსილჯა მოვლენათა ერთი მეორესთან დამოკიდებულებაში და ურთი-ერთობაში. ხოლო რადგანაც ეს ურთი-ერთობანი მუდამ იცვლებიან, ამიტომ ამ ცვლილებათა პირობების სისწორით განსაზღვრა შეუძლებელია იმ პირობას, ურომლისათაც მეცნიერება შეუძლებელია.

ფ. მასაჩაძე.

(შეუდევი იქნება)



\* \* \*

განთიადია... აღმოსავლეთი,  
ფერად სამოსით გარს იმოსება,—  
შემკრთალი მთვარე დასაველეთისკენ  
მთების ჯურღმულში მიიპარება.

გალეძებული ცელქი ნიაფი  
ხისა შტოებსა ეთამაშება:  
ხან შემკრთალ ფოთოლს კოცნას მოსტაცებს,  
ხან კი ნაზათ მას გაებუტება.

ბუნება ჩქარობს პირის დაბანას:  
მზის დასახვედრათ ის ემზადება,  
და მის ნაბანი მაცოცხლებელათ  
მცენარეებსა თავზე აღნება!

ქალამ გამოსცა საუცხოვეო ხმა,  
ტოროლა სტვენით ცაში აფარდა;  
აგერ ისკუზა ტყიდან ირემმა,  
ტრიალ მინდორზე გაინაფარდა.

აგერ ფუტკარი ბზულით მიჰქრის  
სანთლის და თაფლის მოსაგროვებლათ,  
აგერ ბუჩქნედა შეფრინდა შაში  
სალოცავათ და საგალობელათ.

ბუნება ხარობს, ბუნება გალობს...  
მხოლოდ შავი კლდე, ქედ წალღუნული,  
ლაპა-ღუბითა ცრემლებსა აფრქვევს  
თაე-ჩაღუნული, ჩაფრქვებული.

ელის მზის სხივებს, რომ მათ შეეშორნ  
გადმოხეტეილი ცრემლთ ნაკადული,  
გაუთბონ გული, ერთ დროს მღუღარე, —  
გაქვავებული ანლა ყინული!..

ოსიკო.



### მესამოცე წლების მოღვაწენი

და

დღევანდელი ცხოვრება.

(თ. რ. ერისთავის იუბილეს გამო.)

IV \*)



მ საუკუნეში შეწყდა მუდმივი ომიანობა და  
მხედრული მდგომარეობა. ცხოვრებამ უფრო  
მშვიდი, წყნარი მიმდინარეობა მიიღო. ეს კი  
საუკეთესო სარბიელია ეაჭრობის და აღებ-მიცემო-  
ბისათვის. სომხებს, ამ ნიადაგზე, როგორც უკვე გა-  
ვარჯიშებულთ, სანატრელი დრო დაუდგა. ხალხი,  
ეაჭრობას, ანგარიშს შეუჩვენეელი, წარმოადგენდა სა-  
სურველ ასპარეზს მათი მოქმედებისას. სხვისი ოფ-  
ლით გამდიდრება ადვილი ხდება. მაგრამ ასეთ გარე-  
მოებამ რომ ნაყოფი გამოიღოს აუცილებელია ერთი  
პირობა: ქვეყანაში ფულის მოთხოვნილება უნდა  
იყოს. რაც უნდა მოხერხებული ეაჭარი იყო, თუ კი  
შენ ხელობას ფართო ასპარეზი არ აქვს, სიმდიდ-  
რეს ვერ შეიძენ. გექნება ბლომათ პური, ლენიო,  
ხორცი, ყველი და სს., ხოლო ფული კი არა, ეს  
ლითონი არ ტრიალებს იქ, სადაც მოქმედებ, და  
ციდან ხომ არ ჩამოგივარდება. სომხებს—განსაკუთ-

რებით დიდ სოფდაგრებს—გასულ საუკუნეში მეტა  
ქონების შეძენა შეეძლო, ეინემ ამ საუკუნის პირ-  
ველ ნახევარში. რატომ? იმიტომ რომ მათ საქმე  
ჰქონდათ მეფეებთან, სასახლეებთან, დიდებულებთან.  
აქ, რაც უნდა იყოს, ყოველთვის ფულა ტრიალებ-  
და, ესენი ფულს საჭიროებდნ. მოიგებდნ ომს და  
მტერთ ფულის ბევარას დაადებდნ, 1) წააგებდნ და  
უნდა გადაეხადათ. ამას გარდა, ისინი ყიდულობდნ  
უცხოეთიდან მოტანილ ძვირფას საქონელს და სს.  
ამ საუკუნეში ყველა ეს მოიხსო. ხალხი კა ფულს  
არ საჭიროებდა. ეს კრიზისია სომხობისათვის. ეს ხა-  
ნა დიდათ არ გავრძელებულა. შრომის განვითარე-  
ბა, მისვლა-მოსვლა, სახემწიფო მოთხოვნილება  
ნელ-ნელა წინ-წავიდა და გამრავლდა. მასთან ერთათ  
გზა გაიკვლია ფულმა. ამას თან მოყვა შესაუფერი პო-  
ლიტიკური ცვლილება. ამას, ასე გაშინჯეთ, ლუარ-  
საბ თათქარიძეც კი მიხვდა. ის ბატონ-ყმობის გაუქ-  
მებას მის ძმას, დავითს, აბრალებს, ქირაზე დაჰყავს  
ურემი და მით წოდება დაამკირაო. ცხადია ეს ქირა  
ფულს ნიშნავს, რისთვისაც პატივცემულ თაყადს  
თავისი ხარ-ურმის გაგზავნა უკადრებია. მოიხსო ბა-  
ტონ-ყმობა, გაიხსნა ფოსტა-ტელეგრაფი, გაიმართა  
გზა-ტყეცილები, რკინის გზები. ევროპიულ პირობე-  
ბში ჩაედევით, ახალ ეკონომიურ გზაზე ფენი მოვი-  
მავრეთ.

მაგრამ ნამდვილი თანამედროვე ევროპიული პი-  
რობები სასარგებლოა სომხობისათვის? პირველათ  
გავიგოთ, რას ნიშნავს ეაჭრობაში ევროპიელობა და  
მერე, როგორ ეაჭრობს სომხობა.

ევროპიული ეაჭრობა ნიშნავს წესიერ, კანო-  
ნიერ ეაჭრობას. მოტყუება, გაიძვერაობა აქ არ  
არსებობს. საქონელი ღირს ამდენი, გსურათ მი-  
ირთეთ, გსურთ დატოვეთ, გძელი ლაპარაკი სა-  
ჭირო არ არის. ეაჭარმა წინდაწინ იცის მთელი  
წლის განმავლობაში დაახლოვებით რამდენს გაყიდის,  
რამდენს მოიგებს. ცხოვრება განსაზღვრულ პირო-  
ბებშია, აქედან ამოხტომა გასაჭირაა. ყველას გარ-  
კვეული საცხოვრებელი წყარო აქვს. ფული ერთი  
ხელიდან მეორეში გადადის, მეორიდან მესამეში და  
ასე მუდამ. საიდან წარმ ადგება ასეთი წყობილება?  
სათავე ერთათ ერთია: ცხოვრების დედა-ძარღვი მრე-  
წველობაა. ეს კი შრომის განაწილებაზე არის აშე-  
ნებული. არც ერთ ადამიანს არ შეუძლია იცხოვ-  
როს ისე, რომ მეორისაგან რამე არ იყიდოს. აქ

1) შუშის სანი ყოველ წლივ მუფე ერკვეს აძღვე-  
და 120 ათას მანეთს, ერკენის 200 ათას მ., კანჯის  
50 ათას მ. (კანაშვილის „საქართველოს მოკლე ისტო-  
რია“ 470 გვ.).

\*) ის. კვლეი № 12.

ყველა მყიდველი და გამყიდველია. თვითონ ის, ვისაც არავითარი საკუთრება არ გააჩნია-პროლეტარი — რამეს მაინც ყიდის, ეს მისი ძალ-ღონეა. ამით ვაჭრობს. ასეთ პირობებში ფულის ტრიალი და მამასადამე მოგებაც სწრაფია. ევროპის საშუალო ვაჭარი ერთ წელიწადს იმდენს გაყიდის, რამდენსაც ჩვენებური სოფდაგარი სამ-ოთხ წელიწადსაც ვერ გაასაღებს. ასეთი გარჩევა ჩვენებურ და ევროპიულ ვაჭრობას შორის. ხოლო მოგების მადა კი ყოველგან ერთი და იგივეა. ეს ყოველგან ძლიერია. ამიტომ ჩვენებური ვაჭარი უკანონო მოქმედებით, ჩარჩობით ისრულებს იმას, რასაც კანონიერი ნიადაგი აკლებს. ამის გამო აქაური ვაჭრობა ჩარჩობა, მოტყუება, სიყალბეა. მთელი ერთი საათი სიცრუეს გეფიცება, ოღონდ კი ერთი გროში გამოგტყუოს:

თუ კი ასეა დღეს, რაღა უნდა ყოფილიყო წარსულში, როცა ხალხი სრულიად გულ-აღალი და უვიცი იყო. მართალია, აქ ვაჭრობის სარბიელი ძლიერ ვიწროა, მარა რაც არის, ის ერთიანთ ჩარჩობაა. ასეთ არასანატრელ საეჭვო პირობებში ორი ხალხი გაიწრთენა: ურიები და სომხები. ესენი იძულებული შეიქმნენ ვაჭრობით ეცხოვრათ; ხოლო რადგანაც წესიერი ვაჭრობით თავის ზრენა შეუძლებელი იყო, უწესო, უკანონო გზაზე უნდა დამდგარიყვნენ. ამ გარემოებამ მათში აღზარდა განსაკუთრებითი თვისებები. როცა ევროპა აღებ-მიცემობის მოედანზე გამოვიდა, მას ურიები წინ გადაედობენ. ესენი ძლიერი მეტოქენი შეიქმნენ. აი, ამ დროდან იწყება ურიების დენა და ათას ნაირი ცილის წამება. ევროპიელ ქრისტიანებმა ისე გადააჭარბეს ევროპიელ ურიებს, რომ დღეს ეკონომიურათ წინწაწეულ ქვეყნებში (ამერიკა, ინგლისი, საფრანგეთი) არავითარი ურიათა წინააღმდეგი მოძრაობა აღარ არის. ურიათა სიძულვილი, ანტი-სემიტისმი, ძლიერია უკან ჩამორჩენილ ქვეყნებში და ისიც ისეთ პროვინციებში, სადაც სამეურნეო წარმოება (ბრუსია, რუსეთი და სხვ.). ეკონომიურ განვითარებას ურიები ვერ უძლებენ, პირველობას ვერ ირჩენენ, რადგანაც ძველებური ხერხები გამოსადეგი აღარ არის. მათში ისტორიულათ აღორძინებული ჩარჩული თვისებები ისეთი ძლიერია, რომ მათ ბირჟაზე მოერყება, უშრომით, შემთხვევით გაემდიდრდებიო. ევროპის ბირჟები ურიების ხელშია. მრეწველობიდან გამორეკლანი აქ აფარებენ თავს. ხოლო დიდი უმრავლესობა, წინათ წვრილნი ვაჭარნი, დღეს გაპროლეტარიატებულია.

სომხები?

სომხები ჩვენში გაძლიერებულია იმ მაზრებში, სადაც ხალხი ეკონომიურათ დაქვეითებულია და მა-

შასადამე ადელი მოსატყუებელიც. მათი ბუღე აღმოსავლეთი საქართველოა. როცა სომხს ფულის შეძენა სურს, ის მაშინ სოფელში მიდის, გლეხ-კაცს ოჯახში უჯდება და ნებით, თუ უნებლიეთ სარჩოს ხელიდან აკლს. ის ფულს სოფელში შოულობს. მართალია აქაური ლითონი მას ვერ დააკმაყოფილებს, მარა სამაგიეროთ პური და ლენოა ბევრია, რის გაყიდვა შორეულ ბაზარზე შესაძლებელიაო. მეურნე დამორებული ბაზრიდან დამორებულია ფულიდანაც. ის ჩარჩების ბრტყალებში ვარდება. ამათი სახელი ლეგიონია. პატარა ქალაქების ვაჭრობა ერთიანთ სომხების ხელშია. თბილისშიაც ისინი ბატონობენ, რაც ინტელიგენტ სომხებს საბუთს აძლევს ევროპაშია, იქ იღავენ, თბილისის სომხეთის დედაქალაქიაო. განავითარეთ ქართლ-კახეთი მისელა-მოსელით, მრეწველობით, აღებ-მიცემობით, განათლებით და მაშინვე დაიკარგვის საჩარხო ნიადაგი და მასთან ერთათ ჩარჩი სომხობა. ცხადია, ჩვენი ეკონომიური განვითარება, სრული გაევროპიელება სომხებისათვის მავნებელია, წესიერება მისი მტერია. ის მხოლოთ ღვრიე წყალში იჭერს თევზს და მით საზრდოებს. მისი ინტერესია, ხალხი უზაგზაზე იყოს გაყინული, განვითარებული იმდენათ, რომ ფული ეჭირებოდეს, მაგრამ ისე, რომ თვითონ არ გაქალაქდეს, არ განაგარიმდეს, ან განათლდეს და მით ჩარჩები თავიდან არ მოიშროოს. ერთი სიტყვით ვაჭარი სომხების ცხოვრების წყაროა *mediocrité en tout*.

მეტყვიან: როცა ვაჭრობა ევროპიულ ხასიათს მიღებს, სომხებიც წესიერათ ივაჭრებენ და ეს მათთვისაც სასარგებლო იქნებაო. ამის გადაჭრა დამოკიდებულია შემდეგი კითხვის გარჩევსაგან: ევროპიულ პირობებში სომხობა შეიძინეს კი პირველობას? ევროპიელობის დედა-ძარღვი მრეწველობა, შრომის განვითარებაა. აბა, რა მრეწველობა აღორძინეს ჩვენში სომხებმა? განე განავითარეს ან ავითარებენ ერის შრომას? ეს ხომ პირდაპირ მათ მოუღებდა ბოლოს. მოისპობოდა საჩარხო ნიადაგი ერთი მხრით, და დღევანდელი წვრილი ვაჭრები მუშათა რაზმში გადავიდოდა — მეორე მხრით. ეს კი მათთვის სასარგებლოა? სომხები რომ მარტო მოქმედებდნენ, მაშინ რასაკვირველია ბურთი და მოედანიც მათ დარჩებოდა. მაგრამ მათ გვერდში ამოუდგენ ქართველები და ძლიერ მეტოქობას უწევენ. დასავლეთი საქართველო უფრო წინ წაწეულია ეკონომიურათ ეინენ აღმოსავლეთი, იქ მეტი რკინის გზებია, მეტი წარმოებაა, ნავთ-სადგურები ზედ აკრავენ, ევროპა ახლოა და სხვ. ამისათვის ხალხიც უფრო გაქალაქებული, გაწვრთნილი, განავითარებულია. სომხებს,

როგორც დიდი ხნის ვაჭრებთ, აქ ფეხი უნდა მოედგათ; აქ ხომ უფრო ვრცელი სამოქმედო სარბიელია, ვინემ ტეტიათა შორის, მარა სწორეთ იქ, სადაც მეტი ევროპიელობაა, ნაკლები სომხობაა. ბათუმში თუმცა პირველათ ჩაივინენ, მიუხედავთ ამისა დღეს ქართველობა ქარბობს. სინათლემში ქართველებს ველარ უძლებენ.

— ამ ქამათ ჩვენში სომხობას და ქართველობას შორის სასტიკი ბრძოლაა. ამაზე ლაპარაკი არ უყვართ, ორ „მეზობელ ხალხს ერთმანეთს ნუ გადავიდებთო. ძველებურ წესზე დგანან! რომ ეს „გადავიდება“ ჩემგან იქოს დამოკიდებული ამ სტრიქონებს სრულებით არ დაწერდი. სამწუხაროთ ეს „გადავიდება“ შემთხვევითი და წარმავალი არ არის. მისი ფესვები ღრმად ჩაჭედვლილია ცხოვრებაში. ცხოვრების წინწაწევამ წარმოშობა ეს ბრძოლა, ეკონომიური წინააღმდეგობა და ვინც ამბობს ამას ნუ გამაზღვრებ, ნუ ვიტყვიტო, გამოადის მხოლოდ უცილობის და შეუფერებლობის მოკიჭულათ. ჩვენ კი მუდამ იმ აზრის ვართ, რომ თავის თავს სიმართლეს უთხრათ. გვეყოფა ისიც, რასაც სხვები გვატყუებენ, თავის თავს მაინც ნულარ მოვატყუებთ. საიდან მოდის ეს ბრძოლა?

ქართველობა ევროპის გზაზე გამოვიდა, მან ხელი მოკიდა ყველა იმ საქმეს, რასაც კი ევროპიელი მიდევნ. აქ პირველი ალაგი უჭირავს აღებმცემობას, წარმოებას. მაგრამ მას ამ გზაზე უკვე გამოსული სომხობა წინ გადაეღობა და, აი, აქ ისინი მოხედენ ერთმანეთს. ყოველი ნაბიჯი ქართველობის მიერ წინ გადადგმული, ნიშნავს ნაბიჯს მის მეტოქეთა მიერ უკან გადადგმულს. ასეთ ბრძოლაში და გამარჯვებაშია ჩვენი კულტურული ზრდა, ჩვენი ეროვნული განვითარება. როგორც ზევით ვთქვით, სომხობა მარცხდება იქ, სადაც ქართველობა ევროპიელდება. ცხადია, ჩქარი წარმატება, გაევროპიელება პირდაპირ ჩვენ ინტერესს შეადგენს. ყოველივე ის, რაც ავითარებს შრომას, აადვილებს მისვლამოსვლას, აქალაქებს და ანათლებს ხალხს წარმოადგენს ბასრ იარაღს, რითაც უნდა ბოლო მოეღოს ხალხის კისერზე მჯდომთ, მისის სისხლის მწოვთ..

რატომ ქართველს ასე ენერჯება ევროპიული წესით ბრძოლა? იმიტომ, რომ ის სწორეთ, მაშინ გამოვიდა საბრძოლველათ, როცა სხვა წესები აღარ მოიპოვებინან. სომხები ისტორიულათ აღიზარდენ სხვა პირობებში, შეისისხლ-ხორცეს სხვა წესები, ამისათვის დღეს ეძინებათ ძველის დატოვება და ახალის შეთვისება. ეს მით უფრო უჭირთ, რომ მეტოქენი ამოუჩინდენ და ღროს არ აძლევენ ასეთ გარდაქმნისათვის. ქართველობას კი აღარ შეუძლია სხვა-

ნაირათ აღჭურვა, თუ არა ევროპიულათ. თუ ამ გზას ხანდახან ცილდებთ, ეს იმიტომ რომ ახალი გამოსულია და ფეხი გამაგრებული არ აქვს.

აი, როცა ეს პირობები შესრულებულ იქმნებინან, მაშინ სომხობა ქართველობისათვის აღარავითარ ტვირთს არ წარმოადგენს და მათ შორის ბრძოლაც მოისპობა. სომხობის დიდი ნაწილი გაპროლეტარიატდება და ძალა-უნებურათ გვერდში ამოუდგება ქართველ მუშას, და თუ დღეს სომხობა იბრძვის კაპიტალისათვის წინააღმდეგ შრომისა, მაშინ ეს პირს იბრუნებს და გალარობებული ნაწილი ომს გამოუცხადებს მის პირიანდელ ღმერთ — კაპიტალს. როცა ეს ასე მოხდება, მაშინ ძირიანათ შეიცვლება ჩვენი ეკონომიური და მოქალაქობრივი წყობილება და მასთან ერთათ ჩვენი სომხებთან დამოკიდებულებათ 1).

ნ. ჟორდანიას.

(შემდეგი იქნება)



ნ თ შ ო.

(მოთხრობა) \*)



მნის ქალები შეგვრებილიყვენ მაგდასას, საქმეს აშურებდენ. ნახმარი ფარჩის კაბა სარტყელგულისპირით, თასაკრავები, ჩიხტი, კოპები, ფეხ საცმელი, საცვლები გაშლილი იყო ტახტზე. ზოგი გადაეკეთებიათ, ზოგი შეეკერათ, ზოგი დაეკერებიათ. ქალების ხელმარდათ მუშაობას, იმათ წყნარ ღიღინს, იმათ ხუმრობას და სცილოს ეშხზე მოჰყავდა კაცი. ემუხრებოდენ, რადგან სადილობა მოტანებული იყო, ქალი კი იმ ღამეს უნდა წაეყვანათ. მაგდა ჩაჯდომოდა ქარგვას და თასაკრავს კილიტას აყრიდა, თან თვალი ბუნხრისკენ ეჭირა, საცა ქვაბით საქმელი ჩუხჩუხებდა.

\*) ის. „გაქალი“ № 12.

1) აქ უნდა აღვნიშნოთ შემდეგი: როცა ჩვენ აქ სომხობაზე ბასნი გვაქვს, სრულიად სასუში ან გვეყავს მისი ინტელიგენცია და მით უფრო ოსმალების სომხობა, რომლის გასათავისუფლებელ მოძრაობას მთელი ჩვენი სიმაჰალია ეკუთვნის. შეგონეთ, როცა ვამბობთ ქართველს ევროპიულად ესერსება-თქო, ეს იმას კი ან ნიშნავს, რომ ის უკვე გაევროპიელდა, ჩვენ ვუჩვენებთ მხოლოდ ტენდენციას, მიდრეკილებას და არა დასრულებულ პროცესს.

მორსმა მალალი სიცილი. ოთახში შემოვიდენ ცალხელანთ მართა და სოფელელიანთ ეკა. მართას თავზე ხილაბანი ჰქონდა გადაჭერილი, ხილაბანიდან თმა გამოაბურქებოდა, ტილოს ფეშტამალი ეფარა, დამკლავებული ხელებით წინდა აშურებდა. ეკას კევი ელო პირში და ლაშვებს იქნევდა.

— ბარაქალათ, ქალებო! გაისარჯენით კიდევ ცოტა, მერე მოირთეთ და მოიკაწმეთ, რომ საღამოზე დაირა-ნალარა გავაჩალოთ, მტერს თვალები დაუყენოთ, შეახალისა მართამ ქალები და მიუბრუნდა მაგდას:

— ჰყრი ამოყვარე; კიდევ კარგი ცოტა ფქვილი შერჩენოდა გვეგნას. სარეცხს მელანა აუთოებს. მე წავალ და ი გოგოს პირს გაუკეთებ.

— ნახავთ, თუ ჩენი პატარძალი არ დაშვენდეს! ჩამოართო სიტყვა ეკამ.

— მითომ რატომო? ლამაზი გოგოა; კარგი, რომ არ ყოფილიყო, ის ბიჭი რას დაეხარბებოდა? მიუგო მაგდას.

— არა, ქალი ჩენ უბნის ქალებს იმისთვის უფრო ეტანებიან, რომ საქმიანობის და ნამუსიანობის ხმა აქეთ დავარდნილი, მიუგო მართამ და ბუხართან ჩამოჯდა, მაგრამ დაცხა და მიუბრუნდა სახლის პატრონს:

— აღმიანო, ამ სიცხე-ვაპანაქებაში შენ რალს ათუხტუნებ?!

— ჩემმა ნუშომ რძის ფლავი მოითხოვა, გამიკეთეო. საცაა მოვა სკოლიდან.

— ნეტა ეგრე არ ანებიერებდე მა გოგოს! რადროს რძის ფლავია?

— ეინა მყავს, ქა, იმის მეტი? მიუგო მაგდამ ამოხვრით.

ამ დროს უცებ შემოვიდა პატარა. კონტათ ჩალიღული წულები ეცვა, წიგნების ნაკერი ჩანთა ეჭირა, თავზე ვარდებით მორთული შაპო ეხურა, გაქათქათებული მაჯა-საყელო უჩანდა. თმა წინ შეკვერცხილი ჰქონდა, მალალი მტკიცე შუბლი გამოსჩენოდა. ბუნჩულა ხელებზე ცოტა მზე მოჰკიდებოდა. დედამ გულში ჩაიკრა ბავში.

— დედილო! მომიხარე რძის ფლავი?

— ჰო, შეილო, აგერ დულს.

— დულს! დულს! მე კი მეგონა დასხმულიც იქნებოდა... წაიბუზღუნა პატარამ, ტუჩები გამოაბურცა, კედლსკენ მიბრუნდა და კედელს თითით ჩიჩქნა დაუწყო.

დედა წამოხტა და ქვას შეუმარჯვა.

— სკოლაში ჩემ ამხანაგებს ყველას თათმანები აცვია, მე კი არა. დღეს ოსტატმა ხელებზე შემომ-

ხედა; მგონია, შემატყო, რომ მზე მოჰკიდებოდა, უთხრა პატარამ ცოტა ხანს უკან.

— კარგი, საყვარელო, გიყიდი, მიუგო დედამ ამოხვრით და ისევ ქარგვას ჩაუჯდა.

დედა-შვილის ლაპარაკს ყურს არავინ ათხოვებდა, ყველანი საქმეს ჩაცქეროდნენ, შეჩვეული თითებით მარდათ აცურებდნენ ნემსს, მართა კი ყურს უდებდა პატარას. ბოლოს ევლარ მოითმინა და უთხრა:

— გოგო! აღარც ისე პატარა ხარ, რომ არაფერი გესმოდეს. რას აგულებ დედა შენს, ეგრე რომ აწუხებ? ეგრა ხედავ, ნემსის წევრით ცხოვრებს. გაუფთხილდი მაგას, თორემ თვალი დაგიდგება.

— შენ ეინა გკითხავს? შეუტია პატარამ და რომ ნახა ყველამ გაკვირებით შეხედა იმას, ტირილი დაიწყო.

ბავშვის პასუხი იმისთვის გაუკვირდათ, რომ მართას ყველა პატივის სცემდა, წვრილფეხობას კიდევ ეშინოდა იმასი. თუმცა პირდაპირი თქმა და გასწორ-გასწორა სიტყვა იცოდა, მაინც დიდათ აუასებდნენ იმას, რადგან იმისი გამჭირაობა და ხერხიანობა ყველამ იცოდა, იმის მაღლიან მარჯვენას არაფერი საქმე არ უძნეულებოდა, და იმის პატიოსნება საარაკოთ ჰქონდათ უბანში, — შიმშილით მოკვდებოდა და არმათ კი ლუქმას არ შეჰამდა, — რადგან ქირში თუ ლხინში ეს დაუღალავე დედაცაი შეუღარებელი იყო.

მართას ეუცხოვა ყმაწვილის სიტყვა, სახტათ დარჩა, წინდის ქსოვაც კი შეწყვიტა, ჩხირებს აღარ აცოდვილებდა. ბოლოს უთხრა მაგდას:

— დაიხსომე, ქალო, ჩემი სიტყვა: თუ მა ბავშვის გაყვინიზებას ახლავე თავი არ დაანებე, ინანებ.

დაღამდა. გვეგნას სახლი გაჩაღებული იყო. გარეთუბნელები მორთულიყვენ. უფროსები ფარჩის ან ტერნოს კაბებში, სუფთა ლენჩაქ-თასაკრავებით გამოწყობილები, უმცროსები კონტათ შეკვირილ და ფაქიზათ შესახულ ჩითარ კაბებში. სიამოვნებით სახე გაბრწყინებოდათ. ერთ მხარეს პატარძალი იღვა ფარჩის კაბით, ოქრომკედლი ნაკერ სარტყელ-გულისპირით, დაბასმული ლენჩაქით, კილიტა და კნეთელ შეყრილ თასაკრავით. პატარძლის გვერდით ნუშო იღვა მთლათ თეთრებით მორთული და ხელში თაიგული ეჭირა. მართას დაირა აელო, ჰაერში აქანებდა, რომ გაფიცებულიყო და უკეთესი ხმა მისცემოდა, თან აქეთ-იქით იყურებოდა, თვალებს აბრიალებდა, მაგრამ დახვედრა და შესაფერი პასუხი ხომ არსად არის საჭიროო. ეინ იფიქრებდა, რომ აქ ღარიბი ოჯახების ქალ რძალს მიეყარა თავი: გემოვნებით შესამებული თაიგული იყო ეს კრება. გვერ-

ნაც იქ იყო; უღვაწეები შეეღება, წვერი მოგპარსა, კაბის მარჯვენა ყურთმაჯი მარცხნივ გადაეგდო, ბუნის ქუდი ჩაეტეხა: უცხო კაცს შეაქრობდა.

III.

გაზაფხულის დილა იყო, დიდი ხნის მოღრუბლული ცა მოწმენდილიყო. კაშკაშ მზეს გარეთუბნის ტალახიანი ქუჩები გაენათებინა და აშრობდა. თავის ზწყინვალე სხელები საწყალი ხალხის სახლებშიაც შეეშუქებინა, ეგება გული გაუნათო, ეგება დანესტიანებული სადგომები ცოტათი მაინც გაუშროვო. მამ რა უნდა ექნა, როცა უიმისოთ ამოდენა საწყალ ხალხს ნესტი და სუნი ამოჟღერებდა? ფანჯრების პატარა ბუნდი შუშები კი ეწინააღმდეგებოდნენ მზის ამგვარ სურვილს, არ აძლევდნენ ნებას მთლათ გამოეჩინა თავისი მაცოცხლებელი ძალა. ხალხს გარეთ გამოეფინა დაობებული ტანისამოსი და ლოგინი.

მთელ გარეთუბანში მოისმოდა გაგიჟებული მტკვრის შხუილი. მტკვარს ერთი ათათ ემატა და ნაპირებზე მდგომი შენობების სარდაფები აეცსო. აზვირთებული მდინარე დიდძალ ნარიყს მოეზიდებოდა. ეგება მორევი მთელ-მთელ ხეებს იხევედა; იმისი მღერეი ტალღები ძლიერათ ეხეთქებოდნენ ნაპირებს და უკანვე ბრუნდებოდნენ აქაფებულები. მდინარის ნაპირზე ხალხი შეგროვილიყო; ზოგი ნარიყს იჭერდა, ზოგი სერის უყურებდა. ნარიყს ერთი გძელი ჯოხით ითრევდა წყლიდან, სხვას თოკზე კავი მოება და ესროდა. უფრო დედაკაცობა და წვრილფეხობა ჩანდა. ფეხთ დაეხადნათ, ზოგს დაეკარწახებია კიდევ, რადგან ტალღები შორს აჩქაფუნებდნენ და ფეხსაცმელს ასეელებდნენ. ეს შრომა უფრო გართობასა ჰგავდა, სანამ მუშაობას: ერთმანეთს ებასებოდნენ, ლაზღანდარობდნენ, სიკილ-ხითხითი ქონდათ, მეტაჯრე როცა რომელსამე მარცხი მოუვიდოდა და მზათ დაჭერილ შეშას მოტაცებდა წყალი, ან ფეხი წაუტდებოდა და მუხლამდის წყალში ჩაეარდებოდა; შეღერებული გოკოებიც იყვენ იქ; იმათ ფაქიზათ ეცვათ, წყალს არიდებდნენ ტანისამოს; უფრო შეშის დაწობას შეელოდნენ. ყმაწვილკაცებიც იყვენ. სოსანაც იმათში ერია.

სოსანას მწვანე ტერნოს ახალუხის სახელოები გადაეკცა, ღუგმები გაეხსნა და გახამებული მაჯასაყელო უჩანდა, მხრებამდის გადაშლილი ხუჭუჭი თმა აწეწოდა, გაჟანტოდა. ხელში გძელ თოკზე მობმული რკინის ბორჯლი ეჭირა და შუა მორევიდან ითრევდა ხეებს. არაეინ არ ეკრძალებოდა ამ ახლათ წვერ-ულვამ აშლილ ახალგაზდას, ყველა შინაურულათ უყურებდა: უბნის საყვარელი და სა-

სამოცენო შეილი იყო ის. პატარობითვე ამ უბანში იზდებოდა ცალხელაანთ მართასას. ყმაწვილმა მალე შეაყვარა თავი სახლ პატრონსაც და უბანსაც. წყნარი და მოკრძალოული ხასიათი ჰქონდა. არც არაფერ საქმეს ერიდებოდა; წყლის ამოტანა, ბაზარში წასვლა, შეშის დაქრა, სამოცრის დაღვმა, — ყველაფერსა ჰკიდებდა ხელს, ისე ირჯებოდა, როგორც სახლის ნამდვილი შეილი. თანაც თავის საკუთარ საქმეს არა ჰღალატობდა: იმისი ბეჯითობა სამავალითოთა ჰქონდათ უბანშიც, შკოლამთაც. ამხანაგს წინ არ გაისწრობდა. პატარების საყვარელიც იყო: უბნის ბიჭები თამაშობის დროს იმას ირჩევდნენ დიამბევათ, თუ მამასახლისათ, უბნის გოგოები იმას აწერინებდნენ საქორწილო ბარათებს, როცა დედოფალებს ათხოვებდნენ. იმასთანვე მიჰქონდათ გასაშინჯათ ნაწერები, როცა ერთმანეთს წერაში შეეჯობებოდნენ, იმასთანვე მიარბენინებდნენ ხილს, თუ კი ხელში ჩაუყვარდებოდათ. როცა წამოიზარდა და შეიძლო, ნამდვილ ეხმარებოდა უბანს: წვრილების წერა, ღუგუშების გაგზავნა, ქალაქისაგან შემწეობის გამოთხოვნა ღარიბებისათვის და იმისი გამოტანა, ქუჩის ყარაულებთან, თუ სხვა მოხელეებთან ლაპარაკი, როცა ისინი რამე საქმისათვის ღარიბ ხალხს ჩაუვლიდნენ და სხვა ამისთანა საქმეები სოსანას ებარა, ამისთანა საქმეების გამკეთებელი სოსანა იყო. ბოლოს ხომ სახელმწიფო ხარჯზე მიიღეს ის, მაგრამ მაინც არ იფიწყებდა იმ უბანს, საცა გაზდლიყო, ისეთი სიამოვნებით მიდიოდა თავის დედობილის სახლში, როგორც სხვა იმისი ამხანაგები თავიანთ დედ-მამათან, ან ნათესაებთან. ღვთის წინაშე, სხვა რამეც კი იზიდავდა სოსანას გარეთუბნისაკენ.

ახლაც პანსიონიდან ჩამოსულიყო უბანში და გამონარიყის ჰერას შეელოდა მართას. გარეთუბნელი ქალები, წინანდელი იმისი მეგობრები, ისეე უნაზდებოდნენ იმას, თუმცა იმათ ქცევას ახლა მოკრძალებაც ეყობოდა: ყმაწვილური სიხლოვე ნდომას შემემღერია და გულუბრყვილობა წაერთმია. ახალგაზდას თვალი ეჭირა იმათკენ, მაგრამ მაინც ეტყობოდა, რომ ვინაც აკლდა თვალში: მალმალ იხედებოდა წყალზე ჩამოსასვლელ ბილიკისაკენ, ელოდა.

სოსანას თვალში აკლდა თავის სიყმაწვილის მეგობარი, თავისი სატრფო ნუშო; იმას ეძებდა, იმას ელოდა. ეს ტრფიალი იმისი დიდი საიდუმლო იყო, ყველა ღონისძიებითა ჰფარავდა ამ საიდუმლოს უცხო თვალისგან. ეს ტრფობა იყო იმისი მანუგეშებელი, გამამხნევებელი, როცა შრომისაგან დაქანცულს ხალისი ეკარგებოდა, სევდა შემოაწევებოდა; ეს ტრფობა იყო იმისი ამაშფოთებელი, როცა გონებაში და-

ისახედა, რა გძელი გზა ჰქონდა გასაღვლი ცხოვრებაში შესვლამდის და რა ძნელი წამოსადგენი იყო, რომ იმის შეენერე ნუშოს მანამდის არაინ დაჰპატრონებოდა. ეს ტრფიალი უხილავათ თან დადევდა ყმაწვილის ყველა სურვილს, ყველა აზრს ყველა მოქმედებას, გაუწყვეტლათ აშუქებდა და აზრს აძლევდა იმის ცხოვრებას. ნუშოც ატყობდა, რანაირათ უყვარდა ის სოსანას, თითონაც მოწონდა, მაგრამ ყმაწვილებს ერთმანეთისათვის ეს არ უთქვამთ; ის კი იყო, რომ ქალი ძალიან ენაზებოდა ყმაწვილს.

წყალმა ჩამოატარა მთელი ხე თავის ტოტებიან-ჯირკვებრანათ, ვინ იცის, რომელ ქალაში მოეგლიჯნა ის ნიაღვარს. მორეგმა რამდენჯერმე მძიმეთ მოატრიალა ის და ჩაიხვია.

— აბა, სოსან, თუ ყოჩალი ხარ, იმ ხეს არ გაუშვებ, უთხრა ყმაწვილს მართამ.

— ცოტა შორს არის.

— სცადე, მარჯვე ხელი გაქვს; აფსუსია, რომ წაიღოს, შეახალისა ეკამ.

— ალაღაბდებე კი ნუ გადააკლებ კაცს, ვისიმე ბედზე ესროლე, ამ ქალებში ჩაიფქრე ვინმე გაეხუმრა მაგდა.

მაკდას სიტყვაზე ყმაწვილი-კაცი ყაყაროსავეთ აწითლდა. რჩევა მოეწონა, მაგრამ იქ მყოფ ქალებთანგანი კი არაინ ჩაიფიქრა.

— ჩემი ნუშოს იღბალზე! — თქვა გულში, აი-კეცა თოკი, კავი მოიმაჯგვა და დაუწყო მანძილს თვალთ ზომევა.

გ. ზანზვი.

(შემდეგი იქნება)

სახუმარო გასართობი.

„ივერიის“ № 65-ში არის ერთი ახალი ამბავი დასტამბული. რადგან ამ ამბის ენა დასტილი განსხვავებულია, პროგრესიულია, ამისთვის ვფიქრობთ ეს ამბავი თვით ცნობილი პედაგოგის ია. გოგებაშვილის კალამს უნდა ეკუთვნოდეს. ამ სახით ჩვენს უაღმატებულეს პედაგოგს ბ-ნ ი. გოგებაშვილს გამოუცხადებია, რომ მის დედა-ენას ამ ეპოქათ ასურათებს ორი „სუფოჟნიკი“ და გამოვა „მეტრომეტე“ (?) გამოცემათ. ასეთი განცხადებით მათს უაღმატებულესობას პედაგოგს შემოაქვს ახალი პროგრესიული ხანა ქართული ენისა. ესევე განცხადება გვაუწყებს, რომ ამიერიდან მისი სიტყვიერების დედა-ენა ქართული მუშუკის დედა-ენათაც ხდება, რადგან ამავ „მეტრო-

მეტე“ გამოცემაში მას სურს მოათავსოს კახური, ქართული, იმერული, გურული, მეგრული და სვანური სიმღერები, ნოტებზე გადაღებული. ალბათ ეს ნოტებიც აღმატებული პედაგოგის შეთხზული იქნება.

ჭადჭატორ-გამომცემელი ან. თ.-წერეთლისა.

ქართული თეატრი

სამშაბათს, 26 მარტს 1896 წ.

ქართული თეატრის სცენარისთვის ა. თამაზიშვილის სასჯებლოთ.

ქართული სცენის მოყვარებთან წარმოდგენილი იქნება

I

სურამის ციხე

ისტორიული დრამა 3 მოქმ. და 4 სურათით გადმოკ. დ. მუსხისაგან.

მონაწილეობას მიიღებენ: ქქ. ჩუკუაძისა, მიხეილისა, ვაშკაისა, ჟაფარიძისა და სსგ. პპ. საშქელი, ძნელაშვილი, თამაზოვი, შველიძე, ინასარიძე და სსგ.

II

ახიჩქეშული

კომედი 1 მოქმედებით ნ. ბ. ყიფიანისა.

დასასრულ

ბ. რატილის ხორო

იმღერებს სხვა და სხვა სიმღერებს.

ადგილების ფასი ჩვეულებრივია

შეიღწევისათვის ადგილები ღირსების უკან 65 კაპ.

დასაწყისი სწორეთ 8 1/2 საათიზ

შინაარსი: ადღომის ლექსი — კისა. — საადღომო სურათები კოწიასი. — სხვა-და-სხვა ამბები. — საყურადღებო ამბები. — შენიშვნა დეტუ მეგრულსა. — მეცნიერება გაცოცრდა, თუ მეცადიზიკა ფ. მახარაძისა. — \* ლექსი ოსიკოსი. — მესამოცე წლების მოღვაწენი და დღევანდელი ცხოვრება (გაგრძელება). ნ. ურდანიასი. — ნუშო მოთხრობა ვ. ზარნოვსა. — სახუმარო გასართობი და კერძო განცხადებანი.

„ჯიჯილის“ მესამე ნომერი მარტის თვისა უტყვე გამოვიდა და თრიგდება ხელის მომწერლებს.